

想著祛鐵仔的日子

假日的黃昏，想講來去四界 lau lau 咧，啥人知咁對前鎮的港口，有看著幾隻船停佇岸邊，猶毋過，煞完全無早前繁榮的情景，日落黃昏的港口，予我的心內有淡薄仔心酸佻稀微。

我讀小學的時，彼陣咱的拆船行業當時行，國內造船、煉鋼的建設工程足奢颺，致使鋼鐵的使用量變甲誠大，不而過，咱這並無出產大量的鐵礦砂，就連煉鋼廠嘛五支指頭仔算袂了，步步攏著愛靠進口；就按呢，生理人頭殼有變竅，隨想著上緊提著鋼鐵材料的門路—罟沉佇海裡的船，共遐的船拖轉來拆，規隻船解體拆了了，對船艙到甲板、對船頭到船尾，逐塊鐵材攏會當閣熔、閣鑄再利用，就連船內的設備用品嘛攏有閣利用的價值，所以，倚鹽埕埔附近有一个專門咧賣船頂二手貨的所在——哈瑪星，嘛算是一个經濟奇蹟。

高雄是一个船隻來來去去、腹地大的天然港口；所以，前鎮港口佔著地利的方便，拆船的鐵仔埕無佻久，一四界都看會著。船若拆了過一站仔，買頭會開放這的場地予人入去祛鐵仔，目的是欲共拆船的時落四散的鐵仔祛祛予倚，逐塊鐵仔對生理人來講攏是寶、攏是錢，開放予人入去祛，才閣用較俗的價數算予祛去交的人，並咧倩人閣較會和。彼當陣，離阮兜無佻遠的所在，就有三个拆船的鐵仔埕。厝邊攏會相招去祛鐵仔，佇歇暝日我攏會和人去，因為，鐵

仔祛祛咧提去交隨有錢通領，按呢就毋免共爸母伸長手，我的所費著有囉！

一工透早，厝邊的姆仔閣咧喝欲去趁外路仔，我窻條笠仔戴咧，細枝掘仔、面巾俗茶紮咧參一寡囡仔伴綴姆仔去，阿母交代講：

「咧掘著愛細膩，毋通予鐵屎噴著，手橐仔掛咧較袂膨疤，中晝愛轉來食晝喔。」我應講：「好，我知。」行二、三分鐘就到鐵仔埕；阮揣一搭人較少、有蔭的所在，我綴跔阿母的邊仔咧掘，逐跡我攏金金相，阮幾個囡仔攏誠綿爛掘，阮嘛會比看啥人祛較濟，逐家相招做伙認真拚，下晝賣 pann-pu 的若來，著有錢通拍珠仔台、有冰通食，想到遮，喙瀾就強欲津落來矣；毋知過佹久，我雄雄擡頭煞看無姆仔的人，我四界相來相去，落尾才看著伊已經祛對隔壁埕去矣，大人的跤手猶是較猛掠，阮遮的囡仔人跤手猶是較慢鈍綴袂著陣。通常我袂捷捷徙來徙去，獨獨對身軀邊的四籬圍仔認真揣、骨力掘，跔跔日頭中央做工課實在無輕可，大細粒汗流袂離，茶那灌汗那流，提掘仔的手毋但略仔痠軟疼，閣膨幾若疤，看錶仔欲倚晝仔，加薦仔揸起來閣不止仔掂篤，我就收工提去交扞頭，尾仔，伊予我 168 籬，錢拎咧手裡想：「這是我今仔日早起趁著的錢，讚啦！」，我三跛步做兩步走，沿路歡喜甲跔跔跳，干焦想欲緊轉去厝共阿母展。食飽煞，阮這幾個囡仔袂赴歇暍，隨閣招招咧

去鐵仔埗報到，其實，是因為等咧賣冰的欲來，袂當失去機會，若無著愛閣等一禮拜呢。

去鐵仔的日子雖罔是真久以前的代誌，毋過，這馬想起來卻是我囡仔時代甜蜜的回憶，因為生活的年代背景無^謂，逐个成長的過程，嘛留落來一个閣一个的記持，上重要的是予我無全款的人生體會，去鐵仔予我知影錢儗趁，而且，閣較會當體會父母晟養我佻扞家的辛苦，對生活中的一切閣較珍惜佻感恩。